

Despues cu Imsan a bira un compania sui generis
**Trahadonan di Imsan a entrega y awor nan
 no ta bay haya prima di reparacion**



pa busca un conseho huridico pa sa con e trahadonan cu tabata ambtenaar ta para ora cu nan a bay un compania sui generis.

“E trahadonan ta reclama cu pesar cu nan a drenta den otro relacion di trabou cu nan lo tin derecho riba e pida aki considerando cu e prima di reparacion ta un suma di placa cu a wordo entrega den e periodo di 2002-2007”, sr. Pontilius a bisa.

Ya caba e sindicato ABV a reuni cu e trahadonan y nan ta bay pidi un conseho legal riba e punto aki. Mientras cu e compania Imsan ya caba a saca un carta informando e trahadonan e motibonan cu no lo por cumpli cu esaki aworaki na september. □



ORANJESTAD - Bon Dia Aruba informa e siman aki riba e desaroyo cu actualmente ta tumando luga den e proceso di negociacion entre gerencia di Imsan y sindicato ABV cu desde di januari ultimo ta representa e trahadonan di e instituto aki. Presidente di ABV, e sindicalista Gina Maduro a laga sa cu actualmente gerencia di Imsan a informa cu e trahadonan lo perde cierto beneficionan cu nan tabatin como ambtenaar mirando cu Imsan a haya un status nobo un empresa sui generis.

Den e proceso di negociacion aki Mediador di Gobierno sr. Anselmo Pontilius ta brindando su intermediacion pa asina atende y busca posibel solucion na e impasse cu lo por surgi prome cu e Cao lo wordo firma eventualmente entrante otro luna.

Mediador di Gobierno

Sr. Pontilius a bisa cu den Imsan tin un grupo di trahado cu a yega di traha cu gobierno como ambtenaar y

actualmente nan a firma un contracto di trabou nobo y den e documento aki no ta stipula cu nan lo mantene of haya e beneficionan cu ambtenaar ta negosha.

El a bisa cu e sindicatonan cu ta representa un gran mayoria di e empleadonan publico y esunnan cu a traha cu e fundacionnan, a firma un acuerdo cu gobierno mester paga pa algun di e trahadonan un suma di placa cu a wordo yama prima di reparacion caminda un suma di 850 florin mester wordo paga pa cuminsa e prome tres añanan for di 2014-2016. Considerando cu e trahadonan di Imsan tabata ambtenaar nan tin e impresion cu nan tin derecho riba e beneficio aki. Conseho huridico Sinembargo den un reunion cu presencia di ambos partido envolvi y di Mediador, gerencia di Imsan a informa e sindicato ABV cu nan no lo paga e prima di reparacion pa motibo cu no tin un base legal pa paga.

Oficina di Mediador di Gobierno a conseha e sindicato